



Doi uedli granc



Idiom: Gherdëina
Meludia: Nadia Moroder , Teo Colonna
Test: Nadia Moroder , Colonna Teo
Ann de publicazion: 2009

Duc i pitli dorm
mé tu ies mo pra viere,
cëles ora cun ch'i uedli granc,
svaienc tla lum che luj.
Cuà ie dut de nëif,
la pesc ie ncantëur,
audì po'n mé ti pitl cuer,
che nsnuet bat per l Senjëur.

N'aspïetes'a nia l'ëura
che te chësta nuet
Gejù Bambïn vën a te crì,
a te purté la pesc y te scinché l amor.

L'oma y l pere l sà,
che da giut te es tu semià
de ancunté l fantulin
che per for te ti cuer resterà.
Dut dorm y dut ie chiet,
mé per té mo dalonc ie l liet,
ajache Gejù ues tu aspité
y nsci pudëi ti cialé.

N'aspïetes nia l'ëura

che te chësta nuet
Gejù Bambin vën a te crì,
a te purté la pesc y te scinché l amor.

Ma ti pitli uedli se stlij
tla nuet de stëiles che luj.
Y ënghe per chëst ann
tu, Gejù Bambin ancontes te ti suenn
n suenn tan bel, l plu bel
n la ueia de Nadel.

N'aspietes nia l'ëura
che te chësta nuet
Gejù Bambin vën a te crì,
a te purté la pesc y te scinché l amor.